

A Daniel:

❖ PANANALANGIN SA MAPANGANIB NA PANAHON

- Dahil sa pagtitiwala nya sa Dios, tumanggap si Daniel ng katalinohan, kakayahang magpaliwanag ng panaginip, at karunungan (Dan. 1:8, 17, 20). Nang nanganib ang buhay nya at ng kanyang mga kaibigan, bumaling sya sa Dios sa panalangin (Dan. 2:17-23).
- Sumunod sa buhay ng pananalangin, ano ang napala ni Daniel (Dan. 6:3-5)?
- Maasikaso ang langit sa panalangin ni Daniel (Dan. 9: 20-23; 10:12). Sa pagsira lang ng ugnayang ito masasaktan sya ng kanyang mga kaaway (Dan. 6:5-7).
- Humarap sa panibagong banta ng kamatayan, pinanatili ni Daniel ang pananalangin (Dan. 6:10):
 - (1) Consistent sya sa pananalangin ng tatlong beses sa isang araw
 - (2) Madali itong pansinin, binubuksan ang kanyang bintana paharap sa Jerusalem
 - (3) May natatangi syang ugali; nakaluhod sya.
 - (4) Nakatuon ito sa pasa-salamat at pagsusumamo

❖ MANALANGIN SA TAMANG POSISYON

- Sa ating panalangin, nakikipag-usap tayo sa Dios gaya ng ating kaibigan. Gayunpaman, hindi kagaya natin ang Dios. Siya ang Hari ng Uniberso.
- Dahil dito, nakaugalian ni Daniel na lumuhod sa Kanya sa panalangin, kinikilala Sya bilang Mataas sa lahat.
- Dahil maaari tayong manalangin sa Dios anumang oras, hindi palaging posible o kailangang gawin ito.
- Ang pagpikit ay nakakatulong upang makakonsentrate tayo ng maigi sa panalangin, ngunit sa ibang sitwasyon ay hindi ito pwede (gaya pag naglalakad, nagdadrive, atbp.)
- Ang mahalaga ay ginagawa natin ang pananalangin na may paggalang na naaayon sa Dios.
- Sa Biblia ay makikita natin ang mga halimbawa ng mga taong nanalangin sa iba't-ibang paraan, ayon sa espesyal nilang karanasan.
 - (1) Nanalangin si Jehoshafat na nakatayo sa harap ng mga tao (2 Chronica 20:5)
 - (2) Umupo si David sa harap ng Dios upang magpasalamat (2 Samuel 7:18)
 - (3) Nanalangin si Solomon na nakaluhod, at nakataas ang mga kamay (1 Hari 8:54)
 - (4) Yumuko ang mga tao sa lupa upang manalangin (Neh. 8:6)
 - (5) Si David ay nanalanging nakahiga sa kanyang higaan (1 Hari 1:47)
 - (6) Si Nehemias ay tumayo at nanalanging tahimik sa harap ng hari (Neh. 2:1-4)
- Anoman ang ating posisyon, hinihimok tayo ng Biblia na huwag tumigil sa pananalangin (1 Tess. 5:17), nagtitiyaga (Col. 4:2) at nagpapatuloy (Rom. 12:12).

B Enoc:

❖ ISANG BUHAY NG PANALANGIN

- Nabuhay si Enoc sa panahong mahirap, nang lumalago ang kasamaan ng mga tao bago pa ang baha. Sa pagkapanganak ng kanyang panganay, lumago ang pag-unawa nya sa Dios, ganun din ang pakikipagusap nya sa Kanya (Gen. 5:21-24).
- Mahalaga ang pananalangin sa relasyon. Habang nagiging mahirap at mahalaga ang kanyang trabaho, nagiging mas palagi at mag taimtim ang kanyang panalangin. May mga panahong pumupunta sya sa tahimik na lugar upang makipag-usap sa Dios. Gayunpaman, bumabalik sya upang ibahagi sa bayan ang nalaman nya tungkol sa Dios.
- Naririnig tayo ng Dios sa gitna ng kabisihan at ingay ng buhay at sa tahimik na mga lugar. Walng lugar dito sa Lupa na hindi tayo makikita at maririnig ng Dios. Maaari nating ipahayag ang ating panalangin sa salita (na tumutulong upang makakonsentrate tayo), o pwede natin itong gawin na tahimik (upang maipahayag natin ang ating iniisip). Ang mahalaga ay hindi tayo tumitigil na makipag-usap sa Dios sa panalangin.

C Moises:

❖ PAKIKIPAG-USAP SA DIOS

- Sa pagkarinig sa Dios na nagsasalita sa Sinai, humiling ang bayan na huwag nang magsalita ng direkta sa kanila, dahil natakot silang mamatay dahil sa Kanyang boses (Ex. 20:18-19).
- Hindi ganito ang sitwasyon kay Moises, na nakipag-usap sa Dios ng harapan (Deut. 34:10). Sa 40 taon (mula sa nag-aapoy na damo hanggang kamatayan), palagi sina Moises at ang Dios na may pag-uusap (Exodo 33:9-11).
- Nagtala ang Biblia ng ilang apatnapung araw kung saan nagbigay ang Dios ng mga natatanging tagubilin kay Moises sa pagtatayo ng tabernakulo at nagbigay ng ilang mga kautusan sa kanya. Sa panahon ding ito, nanalangin si Moises para sa mga tao.
- Wala tayong prebilibiyo ngayon upang makipag-usap sa Dios ng harapan, ngunit tinutugunan ito ng panalangin kung saan kakausap natin ang Dios ng direkta.

❖ PANANALANGIN PARA SA IBA

- Ang Intercessory prayer ay panalangin natin para sa ibang mga tao (Santiago 5:16; Mateo 5:44; 1 Timoteo 2:1-4).
- Nanalangin si Moises sa Dios para sa iba sa iba't-ibang okasyon at iba't-ibang mga dahilan:
 - (1) PARA SA MGA MIEMBRO NG PAMILYA
 - (a) Dahil sa kasalanan ni Aaron (Deut. 9:20)
 - (b) Dahil sa pagrereklamo ni Miriam (Num. 12:10-13)
 - (2) PARA SA BAYAN
 - (a) Nang nauhaw sila (Ex. 15:24-25)
 - (b) Nang nagutom sila (Bil. 11:11-13)
 - (c) Nang nagkasala sila (Ex. 32:30-32)
- Ano ang mag-udyok kay Moises na ipanalangin ang iba? Iyon din dapat ang mag-udyok sa atin: pagmamahal sa mga ipinapanalangin natin.